

Ka Tochi

Si Mr. Rodrigo "Tochi" Reyes Vicencio Jr ay 82 years old na. Ipinanganak sa Mandaluyong noong 1941. Anak ni Rodrigo Vicencio Sr at Julia Reyes.

Ang kanyang ina na si Julia Reyes ay anak ng Sixto Reyes na kapatid naman ng Tengkong Reyes, isang Katipunero, na ama ng dating Mayor ng Mandaluyong na si Amado Reyes.

Isang araw noong 1960, si Ka Tochi ay naglalaro ng chess sa isang barber shop malapit sa San Felipe Neri. May customer ang barber shop na habang nagpapagupit ay nanonood habang siya ay naglalaro. Bumilib ang customer sapagkat 4 ang kanyang tinalo.

Ang customer na yon ay walang iba kungdi ang Congressman ng 1st District ng Rizal Province noong panahong iyon kung saan kabilang ang Mandaluyong, si Congressman Benedicto Padilla, kapatid nina Senator Ambrosio Padilla at Justice Sabino Padilla ng Korte Suprema.

Kinuha ni Congressman Benedicto Padilla si Ka Tochi Vicencio upang mag trabaho sa kanya. Ang kanyang trabaho ay taga gawa ng letter of recommendations sa mga nais mag pa endorso kay Congressman para sa mga naghahanap ng trabaho at maging speech writer din

Noong 1963, naging Mayor ng Mandaluyong ang kanyang tiyuhin na si Amado Reyes, pinsang buo ng kanyang ina, pagkamatay ni Mayor Bonifacio Javier. Kinuha ni Mayor Amado Reyes ang kanyang pamangking si Tochi upang magtrabaho sa munisipyo ng Mandaluyong.

Siya ay nagtrabaho sa munisipyo ng Mandaluyong bilang isang technical assistant ng Mayor Amado Reyes. Sa kanyang angking husay at galing ay nanatili siya sa munisipyo kahit iba na ang mga Mayor.

Kinuha siya ni Mayor Filemon Javier, ang Mayor mula 1964 hanggang 1971. Kinuha din siya ni Mayor Renato "Pokyat" Lopez, ang Mayor mula 1971 hanggang 1980. Kinuha din siya ni Mayor Esto Domingo, ang Mayor mula 1980 hanggang 1986. Kinuha din siya ni Mayor Ben Abalos Sr mula 1986 hanggang 1992.

Mula 1963 hanggang 1992, si Ka Tochi Vicencio ay mataas na opisyal ng Mandaluyong at bukod sa pagiging Technical Assistant ay hinawakan din niya ang mga departamento ng Education, Culture at Sports bilang hepe nito.

Hindi sa Mandaluyong nagtapos ang karera ni Ka Tochi Vicencio. Noong 1992, dinala siya sa Senado ni Senate President Neptali Gonzales upang pamunuan ang departamento ng PIO (Public Information Office) ng Senado. Siya ang humahawak ng press releases ng Senado.

Noong naging Senate President si Marcelo Fernan, pinanatili siya nito sa posisyon at nung maging Senate President si Blas Ople, ginawa siyang regular at plantilla dahil sa kanyang kahusayan. Inabot pa niya ang term ni Senate President Franklin Drilon kung saan ginawaran siya ng parangal bago siya mag retiro.

Nag retiro siya noong taong 2002 matapos ang 42 years sa gobyerno mula noong 1960 kay Congressman Benedicto Padilla hanggang sa Senado noong 2002.

Siya ay lumipat sa Silang, Cavite noong 2009, sapagkat ang kanyang Misis ay taga Silang na dating teacher ng Mandaluyong. Ang kanyang misis ay pinsan ng dating

Mayor Clarito Poblete at nagpatuloy pa dito ang kanyang paninilbihan bilang Consultant hanggang nitong 2022 sa anak ng Mayor Poblete na naging Mayor din.

Ngayon siya ay talagang retirado na at pensionado pa. Nasa bahay na lamang siya sa Silang, Cavite ngunit paminsan minsan ay nadalaw sa kanyang mga kamag anak at kaibigan sa Mandaluyong.

